



之

巴

如

乙巳占卷之二

朝議郎行秘門郎中蘄軍昌樂縣開國男李淳

夙撰

月占

夫月者太陰之象精積而成象魄質含影稟日之光以明照夜佐修陰通以之配日女主之象也以之比德刑罰之義也列之朝廷諸侯大臣之類也是以近日則光斂猶臣近君卑而屈也遠日則光滿為其守道修法蒙君榮華而辭勢伸也當日則蝕其臣借君而禍至于覆滅盈極必缺示不可久盈也月缺者陰

乙巳占

卷二

一

道臣道妻道不可使盈理當恆屈也其行速臣子之道也行有弦望晦朔運速陰陽政刑之苛感也日日行一度月日行十三度一千三百四十分度之四百九十四分此平行之大率也

上元乙巳之歲十一月甲子冬至夜半日月如合璧五星如連珠俱起北方虛宿之中合朔冬至與日俱行各修其度至今貞觀三年己丑之歲積七萬九千三百四十五算上矣

推月朔置上元乙巳以來歲別積分在日以月法三萬九千五百七十一以法去之余以日法約之為閏

大餘不盡為閏小餘減冬至小餘不足減日大餘加
日法之乃減之大餘不足減加六十乃減之冬至大
推也內余為所求天正十一月大小餘命甲子算外
則天正朔日也

求次月朔者加大餘二十九小餘七百一十一小餘
滿日法去之從大餘滿六十去之命日如前則次月
朔者及餘也

求上弦日加朔大餘七小餘五百一十二大餘滿法
去之命如前則天正上弦常日也又加得望者又加
得下弦又加得後月朔日前朔後朔相去二十九日

乙巳占

卷二

二

一十一分謂之一月一月之中行天一周又行二十九度七百一日一分而又與日一會矣

求朔日夜半月所在度者置朔日加時日所在度減去朔小餘則朔日夜半月所在度矣

求次日加時夜半月度加十三度一十三百四十分之四百九十四分滿日法從度滿宿去之命以次宿算外則次日夜月所在度及分矣此皆平行也

月行又有遲疾不同極遲一日行十二度強極疾一日行十四度太強大率合朔後極疾起而漸遲十三日半強而極遲則又漸疾十三日半強而極疾一遲

一疾凡二十九日半強又有陰陽行上元之初合朔
已後月則自出道外行陽道經十三日半強則又入
日道內越黃道行陰道又十三日半強而出黃道之
外矣 當越道之處名曰交道大凡二十七日強一
出一入而過交于黃道黃道日道也月不行日道猶
臣不可與君同名器也在黃道內外極遠之時出入
各六度矣 朔日與同度之時月在交通內而道交
則蝕矣不當交則蝕不此猶臣與君相遇同道擅權
而掩蔽君矣望日加時月在交通上而則月蝕不當
交通上過則不蝕其推求法術並著在歷象志乙巳

乙巳占

卷二

三

元經事煩不能具錄略表綱紀焉月主后主臣主僕
小人主陰謀主
刑主水主賊

夫月之行也每朔稟光于日漸舒其照遠而益明行
于列宿不巡光道舒而還斂屈體戡光盈而不借以
至于晦此順理之常也猶大臣諸侯稟承君命教令
節度巡行外國照察百揆而無僭亂扞權之心有功
歸主不自矜伐退以報君焉烏兔抗衡光威威重
數盈理極危亡之灾一時頓盡遂使太陽奪其光華
暗虛虧其體質小借則小虧大驕則大虧此理數之
常然也是以明王在上月行後道主不明臣執勢則

月行失道大臣用事背公向私兵刑失理則月行作
南作北女主外威損權則或進或退咄胸皆君臣德
刑不正之咎也有不如常隨其事占其吉凶
月行疾則君刑緩行遲則君刑急月之與日遲疾勢
殊而事異也

劉向曰是故人君月有變則省刑以修德恩從肆
赦故春秋有青灾為飢而憂赤為爭與肆赦之義
矣

月若變色將有灾眚為飢而憂赤為爭與兵黃為德
與喜白為旱與喪黑為水人病則死

乙巳占

卷二

四

月若畫明者為臣不忠君則象日而臣以明續君當
在其時不可與君事競力能畫明者此奸邪並作不
救則失其行而必毀矣其救也出退強臣斷絕奸佞
近忠良親賢直則月得其行不專明矣是故人君宰
相不從四時行令刑罰不中大臣奸謀黜賢蔽能則
日月無光而見瑕譎矣不救其行五谷不成六畜不
產人民上下不從盜賊並起

月出非其所行非其路皆女主失行奸通內外陰謀
小國兵強中國民飢不下僭

月生正偃天下有兵合無兵人主凶

月盈急未當中而中未當望而望皆為急兵大戰軍
破將死大臣執政逼君女主振權天下亂易宗廟
月未當缺而缺大臣滅女主黜諸侯世家絕
月再中帝王窮

月當出而不出有陰謀有死王天下亂

月未當上弦而弦國兵起

月未當下弦而下弦臣下奸邪

月當盈而不盈君侵臣旱災未當盈而盈臣欺君有

兵

月初生而盛女主持政大月八日小月七日昏中過

乙巳占

卷二

五

度有兵事如不及度喪事月生五日而昏中已後感君無威德佞臣執政權民背君而尊其臣

月前望西缺後望象缺名反月臣不奉法制度侵奪王勢水涌兵起其救之也正刑法誅奸滑任賢能定謀事成則月變不為之傷矣

月當晦而不盈所宿國亡地

月初生小而形蘆大有有水灾月大而体小有旱氣色非常后陰謀事

月始生黑雲貫月名為激雲或一或二或三或四不出三日有暴雨

月上有黃芒君福昌皇后喜

月生刺是謂賊臣生中國

月生牙齒女主亂天下兵起

月生爪牙人主賞罰不行一占云人君左右宜防刺
客

月望而月中蟾兔影不見者所宿之國山河大水城

陷民流亦為女主宮中不安

月分為兩道無道之君失其天下

月墜于天有道之臣亡

月出于地中庶民立為主

乙巳占

卷二

六

兩月並出相重急兵至

三月並見其分有立諸侯而女主有競兩月並出天下治兵異姓大臣爭勢為害王者遂能受之

月重出皆為暴兵殘害天下亂首將有亡天下之象也

余于大業九年在江都時年十三寓遊彼土正月內因送孝于城東是時正月二十七日旦起東方有二月見相去二尺許分明在箕斗之間衆俱見之俄而主感于黎陽起逆朱棣管崇又殘賊于江南天下因此逆兵賊相掠至于滅亡此為大赦也

東方小月承大月小國殺大國法之為主凶在西方
小月承大月小邑勝大月承小月大邑勝
月兩弦中間光盛而衆多或一或二或三或四或五
至十月並見皆為天下分裂天子政在諸侯諸侯自
立 諸月旁氣皆與日占同

月與五星相干犯占

凡五星及列宿與月相薄相蝕皆凶
歲星蝕月有大喪女主死臣弑君主革
熒惑蝕月諛臣貴後宮女有害王者
填星蝕月女主凶當有黜者有喪

乙巳占

卷二

七

太白蝕月易大將將死

辰星蝕月有大水

五星入月中其分野有逐君大臣賊其主

月蝕五星若舍皆其分有灾

月凌歲星年多盜賊刑獄煩

月与歲星同光下有飢亡

填星同

月与歲星同宿其年月疫疾

月與熒惑相犯戰勝之國大將死天下有女主之憂

月与熒惑同光内亂且飢

月吞熒惑主滅國敗

月與填星相犯女主敗表

魏青龍元年十月乙丑月犯填星三年正月太后
郭氏崩

晉安帝隆安四年正月乙亥填星在牽牛月頻犯
之七月壬子皇太后李氏崩

填星入月不出四旬有土功事若犯之貴人絕無後
太白入月中不見星者臣弑君

月蝕太白國君死臣弑主

月犯太白將有兩心

月戴太白后有猝兵

乙巳占

卷二

八

月生三日刺太白之陽。國大邑勝小邑損。

月刺太白之陰。兵在外者未及入。在內者不及出。

月与太白合宿。太子死。

太白在西方。始見在月北。為得行。在月南。為失行。西方先起兵者敗。

太白與月相去三尺。有憂軍。與月相去二尺。有憂城。与月相去一尺。有拔城。

太白入月中。不出。客將死。出。主人將死。無軍。大将當之。

太白出東方。在月南。中國勝。在月北。中國敗。

出西方在月北負海國勝在月南負海國敗

金火与月相近其間六寸天下有兵間一尺天下憂
尺五已來無害

太白出西方以月三日候之与月並出間容一指軍
在外期十日有破軍殺將客勝容二指期十五日有
破軍殺將主人小勝容三指期二十日有破軍殺將
客大軍大勝主人亡地客四指期二十五日客軍入
境主人不勝容五指期三十日軍陣不戰

太白以月未盡三日辰出東方与月並出候之容一
指十日有破軍殺將主人不勝容二指期十五日容
乙巳占

大破主人得地客三指期二十日有破軍殺將王者
亡地客四指期二十五日客軍大敗客五指期三十
日軍陣不戰

月犯辰星入月中有水行事不起不出三旬内有匿
謀春夏大水

晉孝武太元十三年 月戊子辰星入月在危宿
是時濤水入石頭城春大雪牛馬疫疾谷大貴不
出百日

月干犯列宿占

月犯角天子大人惡之大人有憂獄事天下大凶犯

左角右角大戰大臣當之有喪

兩軍相當月犯左角大將死右角廷尉死

月左角中行為出天門中道百姓安寧歲豐無兵出
右角胡王死天下多雨行中道之南君惡大臣不輔

月犯亢其國將死

月蝕亢大人多死疫癘在朝廷之臣為始

月在亢有變王者布政失理宜有刑罰

月犯坎天子兵起

孝武大元三年二月癸亥月犯大將軍常楷率兵

襲汝南符堅及子等十餘萬大寇襄陽是年大兵

乙巳占

卷二

十

此月入氐之應也

月入氐及犯在氐有變皆為宮中陰謀大人女子宿
止不安刑政失理天下飢亂兵寇賊起

月犯房上將上將誅犯次將次將誅上相次相亦然

蝕如之

月行房南一丈多暴獄大旱出房北一丈兵起天子

旁有亂臣大水期七月

月行天駟中經歲安寧五谷熟

月行太陽道天下亂民事失帝哭陽道未窮而死月
行太陰道天下兵起陰道未窮而作

月出中道天下和平利以稱兵

月變于房名實出如駕滿野將不安失時令

月犯心主命惡之其宮內亂臣有逆者

月犯心中星君遇害有大賊國人亂

月棄心其國將死

出心大北國旱宗廟突出心大南君憂旦有兵起

月變于心人主有憂兵在刑罰

月犯尾貴戚有誅者其國將軍死

月缺尾后宮有爭人君子孫不吉

月入箕羅火貴天下旱飢死過半人君號令傷于酷

乙巳占

卷二

十一

暴百姓失所

月蝕箕後宮政教失女主乘怨有暴風

月行失於箕大風

月犯南斗大臣誅大將及近臣去將軍死女主凶

宋書志晉哀帝興寧三年七月庚戌月犯斗來年

五月戊寅皇太后崩

安帝義熙元年三月己巳月掩斗第五星至八月

丙戌頻掩之是年三月徐道覆四月盧循起湘中

五月循破劉稷京畿自是大臣多戮之者

月入斗魁大人憂太子宮中有賊

月一歲三入南斗有德令有兵起

月在南有變相壽祿失大臣有憂刑戮及將相非理
食祿更易天子法令

月乘斗色蒼芒丞相死

月宿斗主風雨

月蝕斗群臣憂國亂

月犯牽牛牛疫馬暴貴犧牲之官有憂將軍奔走道
路閼梁阻天下有詐谷大貴大國有憂將軍死一曰
牛多病月乘牛有大水人相棄于道

月在牛有變閼梁閉塞將有農令犧牲之事四足虫

疾

月犯女女子凶憂疾患女巫之事其國有憂將軍死
晉孝武大元二年二月戊辰月入女八月征西將
軍桓豁卒十月己未月犯女壬寅尚書令王彪之

卒

有改易高下賤貴女工與有女令

月在女有變有兵不戰而降又曰有嫁女娶嬪之事
亦為女主布帛

月犯虛天下大虛邑復盛天下亂國有憂將軍死百
姓飢哭泣不已有陵廟事
月蝕虛危入多去其室有大戰

月變于虛有土功在外軍人飢死百姓飢哭泣不已
有變廟事

月蝕如于虛有土功在多軍人飢

月蝕危不有崩立必有大臣喪天下改服將有坟墓
哭泣之事

月犯危治接臺蓋屋者多天下亂將軍死

月在危有變將有哭泣死喪坟墓蓋屋動衆之事

月犯蝕室及在室有變國亂有憂將亡地夫若宗廟
毀將相有死者王者自將兵宿在離宮不安止寢宜
脩文德設武備振軍旅以應之

乙巳占

卷二

十三

月犯寔東壁及在壁有變大人為變人民多死兵在外軍人大危近臣去將軍死糧絕將軍有謀將有府庫土功之事

月宿壁不風即雨

月蝕壁有開閉之事或有文章者執

月逆奎若在奎有變大人亂大臣凶人多死將軍有

謀有溝瀆女子之事

月犯奎大星乳婦多死邊民不安有大水

月蝕奎大將軍戰死

月犯婁及邊于婁有兵在外不戰而和有聚斂之事

又有狩弋獵之事民多獄怨國君納女遊獵無度大人憂將軍死

月犯胃及蝕有變將軍死鄰國有暴兵天下谷無寔有倉庫賦斂之事小國兵起不戰有以夷狄為憂民多病

月犯昴及蝕有變天子破匈奴有白衣會貴臣有憂民離散去其鄉訟獄煩苛無辜獲罪

檀道鸞晉陽秋云孝武帝寧康元年正月丁未月掩昴七月己亥大司馬桓溫薨

安帝義熙五年二月甲子月犯昴閏月丁酉犯之

乙巳占

卷二

十四

是年宋高祖討鮮于卑十月翼奎為其子所執六年鮮于卑胡

月行犯昴北有赤白雲緣月兵入匈奴有得地赤白雲不緣月兵入不得地

月乘昴天下發峻水滿野谷不收

月行觸昴匈奴受兵

月鉉昴諸侯黜門戶大臣有事

月入昴有恩赦

月出昴天下有福大臣匿其罪

月入昴胡王死理官有憂

月蝕昂貴臣誅貴女失勢

月變于昂兵在外絕食

月犯昂將軍死胡不安或背叛

月行一歲不出昂畢間來年有兵

月犯畢出其北陰國有變

月入畢中將軍死不則有邊兵期十月

月犯畢天子用法誅罰急若蝕畢賊臣誅貴人多死

兵草起

畢星見月中女君當死有德之令下

晉孝武大元五年五月庚子月掩畢六月丁卯月

又掩畢進入畢口九月癸未皇后王氏崩于内寝

月行畢失行合陰風合陰雨月失行高畢則雨

月犯畢大星下犯上臣弒主大將死

月變于畢有邊兵之急邊將刑

月犯紫小戰吏多死道路者或變叛

月變于井刑罰之事將相有殃月犯

月犯蝕參貴臣誅赤地千里其國大飢民人相食

月變于參百姓蕪旅

月犯左肩左將戰死犯右肩右將死

月犯蝕參伐星戰小戰死

月宿參伐為風雨

月蝕參伐兵起

月犯東井將軍死

晉孝武太元元年五月戊午十二月乙卯月掩井

六年二月壬子建成將軍桓副薨七月甲辰將軍王劭薨

月犯井左右星女主憂

魏齊生嘉平三年四月戊寅月犯井七月皇后甄氏崩

月犯井人主有憂大水若水官有黜者其国有憂平乙巳占

準水衡之官刑政不平

月食并大臣有誅皇后不安五穀不登內亂之災以

日占其國

月犯并鉞為內亂兵起破軍殺將城陷血流

宋志魏正始四年十月十一月月犯并鉞是月司馬懿討諸葛恪奔走晉穆帝永和十二年六月乙

未月犯并鉞桓溫破姚襄于伊北定周地十二月

高城陷執假龔殺三千餘人

凡月干犯并鉞乘質斧鉞用之象

月乘并大臣謀誅斧鉞用

月變于井以色占之黑大水他做此

月入鬼人主憂

晉咸康七年八月辛丑日犯鬼來年癸巳成帝崩
財寶出

日犯鬼負秦邦君憂大臣誅

魏嘉平二年十月日犯鬼三年五月王陵楚王彪
等誅之

月蝕鬼負貴臣女主憂天下不安有大喪謀臣糾絆
之官不吉

宋志魏齊王正始二年九月癸酉日犯鬼西北星

乙巳占

卷二

十七

主金玉三年二月丁未又犯西南星主布帛占曰
有錢令大臣憂三年二月太尉滿罷薨

青龍二年三月辛卯月犯鬼占曰民多疾疫是年
大疫

月犯柳木工興名木被伐又有工功事

月蝕柳王者疾不安宮室百姓貴人以言語坐罪大
臣憂其地有禍

月犯蝕七星兵在外戰皇后大臣有暴憂有誅國大
惡下食列宿同

月蝕翼忠臣見譖害政事亡飛虫多死將軍亡北夷

有兵女主兵

月变于翼其國有飛鳥善若有獻馬及鳥者

月宿于軫則多風雨

月蝕軫貴臣亡后不安

月犯軫有凶喪車騎出兵車月期一年

月干犯中外占

海中占曰月入揖提聖人受劄謀臣在側揖提非及月

但古人有此占或月行变
常以至于此故有此灾异

月犯蝕大角彊國亡或不勝七人憂患有大喪

大角貫月天子惡之

月犯織女女主有憂

月犯鈞鈴駟馬駕將有行

月犯東西咸主因淫致禍有陰謀犯東咸必有賊

晉孝武太元二十一年四月內月犯東咸吳郡內

史王欽發人戒嚴吳興諸郡響應為賊殘破地方

月犯天江大水閼梁塞

月犯乘天市粟貴有更幣之令大將死或易政

月入天市及有變于市中者女主憂將相有戮于市

近臣有市眾

月犯侯星侯者有憂

月犯帝座宗星人主有憂

月犯宦者侍臣誅

月犯建星大臣譖死

按魏陳留王景元元年二月犯建星是後鍾鄒相

譖以至夷滅

月變于建星有變更天子之下令者一曰近臣大將

死易將相

月犯天井天下粟貴一犯一貴

月犯河鼓犯左左將死犯右右將死所中者誅有軍

敗亡

乙巳占

卷二

十九

月犯乘大陵天下盡喪服衆星明兵草起死人如卵
山星稀則無

月乘犯卷舌天下多喪

月乘天尸有亂臣存內

月犯五車兵起趨駕

月入五車天庫兵起道路阻

一云天下兵起
一云五星占同

月犯天關有亂臣更天子之令主關津者有罪王者

夏

月犯南河戒為中山國北河戒四方兵起有喪大旱
百姓病疫刑罰峻暴誅罰不當

月犯北河之中魁冠帶國兵起道路阻塞人君失道
淫女子金錢禽色奢侈

月行南戒之南兵旱並起男子多喪月行北戒之北
兵水並起女子多喪

月犯五諸侯諸侯誅

宋孝武大明三年四月月犯五諸侯特竟陵王誕
反沈慶之攻敗

月入軒轅中犯素之有逆賊女主憂若火災

月犯軒轅左右角臣有誅

月乘大氏星大飢太后宗有誅若有罪

乙巳占

卷二

二十

月犯其端臣子反有乱民臣子夫勢其所中者以官
占之

月乘犯少民星小飢小乱皇皇后宗有誅若有罪犯
御女御女有憂御僕死

月犯大星女主當之

晋安帝元興二年四月甲午月掩軒轅第二星明
年七月戊申皇后何氏崩

孝武太元五年七月庚子月犯軒轅大星九月癸

未皇后王氏崩

月犯少微處士有憂

續晉陽秋云會稽謝敷字慶緒隱若邪山初月犯少微時敷達名著于敷時人憂之俄而敷死會稽吳人曰吳中高士便是求死不得

月犯少微女主憂宰相易史官黜

月犯少微南一星處士憂第二星義士憂第三星博士憂第五星大夫憂

月行太微中皆為大臣有憂大臣死月所犯者天子誅之亦曰后族擅權凶

月入太微中若流星雜橫經行太微中主弱臣強諸侯四方夷不削行不端心不正有邪欲不受命有奸

人在王廷四夷難信

日干犯太微庭出其門為使

月貫太微中而東出大臣出王侯入為主出其中門

臣不臣

月入太微有喪

宋書志晉魏帝昇平五年五月壬寅日犯太微星

月丁巳穆帝崩

安帝義熙十四年五月庚子又犯之九月丁巳又

入太微是年十二月安帝崩

月行左右執法大臣憂相繫而死免者少

月出東掖門為相受病東南出德事也出西掖門為
將受病西南出刑事也

同

月入太微中華東西門若左右掖門而出端門皆為
有慶

五星

月入太微西門出東門人君不安大臣假主之威不
從王命

月干犯太微庭臣弒王宜求吳人入太微中華西門
出中華東門皆為臣主令

月入太陰西門出太陽東門皆為大亂有喪若大水
月出西門犯天庭出端門皆為大臣伐主

乙巳占

卷二

二十三

宋志晉秦帝元熙元年正月丙午三月壬寅五月
丙申七月乙卯月皆犯太微二年六月三日帝避
位于宋高宗

月行犯黃帝座大人憂天下存亡半有亂臣主惡之
臣子反政令易

月犯五帝座天下亡月出黃帝座北禍大出南福小
皆為下謀上

月犯太微乘四輔大臣誅

月行犯乘守內屏星皆為君臣失禮而輔臣有誅者
若免罷

月入咸池天下大亂人君死易政

月入三台君有大憂患敗在臣下

月入三台大臣為太子公侯共弑君

月入庫樓天下兵並起

月宿羽林軍兵大起

月入天倉天下兵大起又財寶出

月入天市軍起

月行弧矢臣逾王

月犯天倉有移谷

月變于狼星陳兵不戰 曰兵起小漸有水事

乙巳占

卷二

二十三

甘氏云月在天理臣當坐欲反者而入獄一曰君大

憂

月乘天高將死臣有誅

月入咸池暴兵起

月入天潢中兵起道路阻天下亂易政一曰貴人多

死

月乘犯天潢二十日兵起

月不從天街政令不行不出期年有兵

月行天街中天下寧百姓順

月行天街外百姓凶

月行折威中天子無威

月行入哭星有大喪主崩

月乘鍵閉大人憂大臣誅天子不敬天火災于宗廟
王者不宜出宮天子崩

月入天積即芻蕘也財寶出主憂乱臣在內

月行天廐主上不安

月行天淵中臣適主

月入中犯乘鉄鈇鎖皆為鉄鎖用

月暈占

暈圈外色混若朦圈內青色而明此其常也設內

外皆糊塗不分較常之暈占尤甚

月暈者謂之逡巡也人君乘土而平其政太平則月
多暈而圓

月暈受冲之國不安

月暈臣下專權之象

四孟月七日 四仲月八日 四季月九日 皆夜

當月暈若不以其日不出三日有暴風苦雨

月暈聞君背約

月暈東向敗五木 兩向且雨而風害五谷 北向

為水 南向旱氣

月暈明王自將兵

月暈七日無而大風兵大作若土功起

月暈多直為兵曲為逆則為雨

月暈黃色將軍益秩侯月暈常以十二月八日暈再

重大風兵起灾在内女親用事

月暈在重赤雲透之如杵有軍在外萬人死其下

月南北渾有半暈兩重月北有青雲五衝閤不通

月暈三重天下大亂必有拒城

月暈四重天下易王

漢高帝七年月暈參翼七重占曰畢昴間天街也

乙巳占

卷二

二十五

昴為白奴參為趙畢為邊兵是歲高帝自將兵擊
匈奴至平城為冒頓單于所圍七日乃解

月暈八重天下有亡國

月暈九重十重天下更王月色黃白交暈一黃一赤
所宿其國受咎

月交暈亦有光其國不出三年遇兵

月色黃白交暈所宿之國受其殃

月暈連環為兩軍兵起君子爭

月暈連環有白虹干暈不及月女貴人有陰謀亂有
白衣會宮中有怪

月暈而冠天子大喜或大風

月暈而珥歲平國安又曰國有女喪

日暈而珥攻擊者勝利

月暈一珥所在國失地

月暈先起者有喜

月抱珥在暈外赤外人勝

月有兩暈不合其月有水

四背有謀不成

五月中有九重暈以上道路人大有熱死者

月暈一重下缺不合上有冠帶有兩珥白暈連環貫

乙巳占

卷二

二六

接北斗國有大兵大戰流血其分亡地

月以正月三日暈所宿國小熟一日二日必有土功
五日暈大熟上旬一暈樹木虫二暈禾谷虫三暈震
雷十日暈天下更主六日七日八日九日暈天下有
亡國

正月中有九暈以上道多飢死人

月暈五星及中外列宿占

凡月暈五星星色不明主人勝星色明客勝
暈歲星入主病不然大水五暈人主有疾喪
暈歲星其君有女子之憂糶貴三重死

暈歲星其武主不安

暈彗星女主凶若有死亡所守國主當之

彗惑在月暈中色惡不明客兵敗

暈彗星兵在野大戰無兵大旱兵起

暈填星所宿國有福德填星色不明主人勝暈三重

相死天下土功動兵起女主憂

暈填星其國女主失勢有土功事

暈太白其國受兵戰不勝主人敗

暈太白而月星合其主死境外

暈辰星再合直解其國敗主死

月暈辰星色不明主人勝明客勝

暈辰星于角亢間二重如連環有大臣謀

春夏暈辰星民病寒熱在秋冬憂兵起不則大水主
死若大憂

冬暈水主命惡之

凡春暈歲星夏暈熒惑秋暈太白冬暈辰星

四季月暈填星而其星惡之皆為其國之分主死國
乱大凶

月暈左角軍道阻塞大臣誅獄官刑左將殃暈右角
右將有殃鱗角多死害太尉士卒刑死

月暈兩角大水色黃白王者大喜當有德令則天子
以軍兵自守其國其國不安有兵罷無兵起將
夏

日行角間暈再重連環北斗有大臣誅

甲乙為春 丙丁為夏 庚辛為秋 以四時期之

凡占灾祥皆此例

月暈角亢先起兵者有勝

月暈亢有光君有兵革之事有兵罷無兵起
于八十日後驗之

月在秋三暈大臣死兵大戰水中

乙巳占

卷二

二十八

月再暈大雪雨水民移千里有德令解之不尔王自
將兵

月暈大水將凶水虫死与歲星同合在水而暈不出
四十日有德令

月暈房心國有兵在廟堂句五宿大赦句三宿小赦
月暈心天旱与五星合暈王者大憂及大災兵起國

易相

月暈尾無骨四足虫為害易政山崩麥貴

月暈尾箕分有疾凶或益地百里民多病寒熱風大
至大水

月暈房及箕大風動地

月暈箕斗兵從東北方來勝從西方來不勝

箕斗者天子冠服在斗罷在箕外戰

月暈箕斗五谷不成易大將

月暈南斗大臣克大將刑

月暈牽牛小兒多死軍暴將死

月暈女女子貴牛多暴死月暈女兵進而不聞寡婦

多死

月暈虛危兵革離宗廟

月暈危兵敗有喪天下哭

月暈室奕奕來貢

月暈室壁風起大水至寡婦小兒多死

月暈奎兵大敗有令米谷不出年有妖星流

月暈姜五日之內不雨宰相相疑然後事解

月暈胃二重歲星其中天子有令德有兵不戰姪女

多死以正月上旬暈昴畢參伐有赦

一歲三暈昴來年大赦弓弩貴

月暈畢中人主坐之

月三暈畢天下中外有兵有大赦

以正月暈觜參赦

月暈甯道路多死人而無首大將死女子疾者皆貴
月暈伐將軍死貴人有誅

四月暈參并凌霜至

以十二月正月暈伐十四日月暈參為大人憂

月暈參有軍不勝

以止月暈伐二夜不出三旬兵起

月暈并思其年不收旱

三月月暈并大水

月暈鬼悉貴三倍

夏月三暈鬼大雨五谷不成皆在月初

以正月上旬暈鬼殺

月暈柳林禾死谷各有兵戰

月暈柳三日大臣死有水災

月暈七星民多天傷物再榮華

月暈張飛海死海島出其地旱大人憂人相食

月暈翼士卒多遁走一日士卒大聚大戰民去室宅

月暈軫角大赦飢

以二月暈軫角至五月大赦

月暈中外宮占

月暈揖提熒惑在暈中天天下大兵橫行不禁諸侯分

政天下亂內有興兵與上爭立者以其時赦
暈織女兵滿天下天帝有兵

暈建星之口有德令

暈大陵前赦死罪後赦薄罪

暈五車一星赦小罪

暈五車五星井昴畢大陵必有赦

暈庫一柱兵少出二柱兵半出三柱兵盡出兵在外

暈一柱少罷暈二柱兵半罷三柱兵盡罷

一歲三暈天關其年赦

暈南北河戒有土功

乙巳占

卷二

三十一

暈轅有女表有小教

暈太微庭天子發軍自微三暈之天子自臨兵以功
有急謀在軍中天子忌之

暈五帝坐有教令

暈文昌有教

暈天牢天下多敗有盜賊連環及北斗天下大亂國
有喪氏徙千里有拔城者

暈魚星凶

暈狼弧兵起

暈狗星多暴風

暈天闕二梁閉

暈天高不出六月必有喪以日占邦

暈貫索不出四年有殃內禍匿謀之事

暈天街闕梁阻塞

暈客星在日北：國勝在南：國勝

暈無雲有流星過月下者若過月上者其國有喜一

曰兵出

流星橫貫于暈中者諸侯皇太后有亡失國者

月無精光青赤暈及虹蜺背缺蝕心度是為大邊兵

喪並起五者以德除咎

乙巳占

卷二

三十一

暈有雲貫暈輝約月不出期年所值國有喪

月蝕占

月生三日無魄其月必蝕易緯樞曰候自盡日視水中不見影者盡蝕凡月蝕其鄉有拔邑大戰之事
凡師出門而月蝕當其國之野大敗軍死

月蝕三月內有兩事解吉

月蝕以旦相及太子當之以夕君當之

月蝕起南方男子惡之起北方女子惡之東方少者

惡之西方老者惡之

月蝕星光耀亡君之殃

月蝕不盡光輝散臣之憂

月蝕中分不出五年國有憂兵分軍亡

月蝕而鬥且暈國君惡之有兵必戰無兵亡起

月有兩月並蝕天下大亂

月蝕有氣從外來入月中主人凶從中出外客凶氣
從南行南軍凶北行北軍凶東西亦然

軍在外而月蝕將還其國戰不勝

月生五日而蝕是謂大殃國有喪十日至十四日而

蝕天下兵起十五日而蝕國破滅亡

春蝕災惡將死有憂 夏蝕大旱 秋蝕兵起 冬

乙巳占

卷三

三十二

蝕其國有女表各以其日辰占邦野

月以甲乙蝕年多雨水禾傷麥 丙午蝕年豐稔

戊己蝕無耕下田凶 庚辛蝕高田不收 壬癸蝕

歲和

月蝕辰巳地來年麥傷 月蝕午未地稼稼凶

月蝕五星及列宿中外宮占

月行与歲星同宿而食民相食粟貴農官憂
月行与鎮星同宿而蝕國以飢亡

月行与太白同宿而蝕國以飢亡強國战胜而亡城
大将有心

月行与辰同宿而蝕其國有女亂而國亡

月在角亢蝕刑法官當黜将吏有憂國四門閉其邦凶
月在亢中蝕君有憂

月在氐中蝕天子疾崩大臣死后惡之公卿大夫有
憂日同

月在房中蝕王者有憂昏乱大臣專政有憂病日同
日在心中蝕王者惡之太子庶子及三公憂

月在箕中蝕君族有刑若御妾有坐后主憂御車乘

乙巳占

卷二

三十四

人當黜

月在箕中蝕為車發

月在斗蝕將相有憂飢亡

日占兵起餘同

月在牛中蝕其國叛兵起

日同

月在女中蝕邦有女主憂天下女工廢

月在虛中蝕邦有崩喪天下改服

月在危中蝕不有崩喪必有大臣薨天下改服刀劍

之官憂衣履金玉人有黜

月在室中蝕士眾乏糧食

月在東壁中蝕陰道毀傷不能化育有黜削之罪大

臣有戮文章者執

月在奎中蝕聚斂之臣有黜

月在婁中蝕皇后犯逆

月在胃中蝕王者食大絕或云大將亡軍委輸之臣

有罪皇后憂

月在昂中蝕大臣誅貴女失勢与前蝕二十八宿同

月在畢中蝕有邊使者凶若邊臣誅

月在觜參蝕旱貴臣誅主兵之臣當黜

月在井中蝕主水官五祠之官有憂大同誅皇后不

安谷不登

乙巳占

卷二

三十五

月在鬼中蝕貴人夫勢臣有憂天下不安

月在柳中蝕大臣憂然

月在七星中蝕正陽虧太陰皇后貴臣暴誅國大飢

月在張中蝕貴人夫勢皇后憂与蝕鬼同

月在翼中蝕貴忠臣見譜清正者亡

月在軫中蝕貴臣亡皇后不安日同翼軫与上二宿相同

月在建中蝕后妃姪婦有當黜者

乙巳占卷之第二終